



Broj: 13-04-02-51520-17/22  
Sarajevo, 25.01.2023. godine

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO

- SKUPŠTINA KANTONA SARAJEVO  
Služba za skupštinske poslove  
- OVDJE -

- VLADA KANTONA SARAJEVO  
Stručna služba Vlade  
- OVDJE -

**Predmet: Odgovor na zastupničku inicijativu , dostavlja se**

Zastupnik Irfan Čengić, je na Prvoj radnoj sjednici Skupštine Kantona Sarajevo, održanoj dana 28.12.2022. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo („Službene novine Kantona Sarajevo”, br. 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), uputio zastupničku inicijativu kako slijedi:


“Za izmjene i dopune Uredbe o postupku prijema u radni odnos u javnom sektoru na teritoriji Kantona Sarajevo

#### OBRAZLOŽENJE

U skladu sa članom 18. Zakona o profesionalnoj rehabilitaciji i zapošljavanju osoba sa invaliditetom prilikom zapošljavanja lica sa invaliditetom pod općim uvjetima subjekti na otvorenom tržištu rada, u državnim organima, organima pravosuđa, organima lokalne uprave, javnim službama, ustanovama, fondovima, javnim preduzećima, privrednim društvima i drugim pravnim licima koja nisu osnovana za zapošljavanje lica sa invaliditetom u skladu sa zakonom dužni su ta lica zapošljavati srazmjerno ukupnom broju zaposlenih u tom subjektu i to najmanje jedno lice sa invaliditetom na svakih 16 zaposlenih.

Subjekti koji ne ispune navedenu obavezu dužni su mjesečno pri isplati plaća obračunati i uplatiti u Fond za podsticanje rehabilitacije i zapošljavanja lica sa invaliditetom novčani iznos u visini 25% od prosječne plaće u Federaciji za svako lice sa invaliditetom koje su bili dužni zaposliti u skladu sa stavom 1. ovog člana.

Uzimajući u obzir da trenutna Uredba o postupku prijema u radni odnos u javnom sektoru na teritoriji Kantona Sarajevo ne predviđa mogućnost raspisivanja posebnog javnog oglasa na koji bi se



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

1/2

mogle prijaviti samo osobe sa invaliditetom, niti da u redovnoj proceduri zapošljavanja osobe sa invaliditetom imaju prednost. smatram da je potrebno u Uredbi o postupku prijema u radni odnos u javnom sektoru na teritoriji Kantona Sarajevo usvojiti poglavlje o posebnim procedurama zapošljavanja osoba sa invaliditetom, kako bi se osigurala inkluzija i minimalni omjer 1 osoba sa invaliditetom na 16 zaposlenih u javnom sektoru u Kantonu Sarajevo.

Takoder, svako zapošljavanje osoba sa invaliditetom u organe državne službe u Kantonu Sarajevo bi bilo finansijski podržano od strane federalnih vlasti ukoliko se radi o osobama sa invaliditetom većim od 60%.

Uzimajući u obzir da za ovu inicijativu potrebno izjašnjenje Vlade Kantona Sarajevo, molim da se o inicijativi izjasni na narednoj sjednici Skupštine."

Nakon što smo razmotrili navedenu inicijativu, dajemo sljedeći odgovor:

Članom 19. stav (1) Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo" br. 19/21 i 10/22) (u daljem tekstu: Uredba) propisano je da je prilikom zapošljavanja potrebno dati prednost kandidatima koji po posebnim propisima imaju prioritet u zapošljavanju, dok je stavom (2) istog člana propisano da prioritet u zapošljavanju kandidati dokazuju odgovarajućim dokumentima (potvrda, uvjerenje i sl.) koje prilažu prilikom prijave na javni oglas, pozivajući se na poseban propis po kojem imaju prednost.

Shodno gore citiranoj odredbi Uredbe, prioritetom u zapošljavanju po posebnim propisima smatra se i prednost koju kandidati ostvaruju u skladu sa Zakonom o profesionalnoj rehabilitaciji, osposobljavanju i zapošljavanju osoba s invaliditetom („Službene novine Federacije BiH", broj: 9/10) (u daljem tekstu: Zakon).

Naime, članom 10. Zakona propisano je da profesionalna rehabilitacija, u smislu ovoga zakona, obuhvata naročito analizu tržišta rada, mogućnost upošljavanja i uključivanja u rad.


Takoder, članom 15. stav (2) Zakona propisano je da se pod općim uvjetima upošljavaju osobe s invaliditetom na otvorenom tržištu rada, u državnim tijelima, tijelima pravosuđa, tijelima lokalne uprave, javnim službama, ustanovama, fondovima, javnim poduzećima, gospodarskim društvima i drugim pravnim osobama koje nisu osnovane za upošljavanje osoba s invaliditetom, sukladno zakonu, dok je stavom (3) istog člana propisano da prednost pri upošljavanju u subjektima iz stava (2) ovoga članka u okviru javnoga sektora imaju osobe s invaliditetom ako, pored općih, ispunjavaju i posebne uvjete za radno mjesto.

Shodno naprijed navedenom, proizilazi da, lica sa invaliditetom u smislu Zakona o profesionalnoj rehabilitaciji, osposobljavanju i zapošljavanju osoba s invaliditetom, ostvaruju prednost pri zapošljavanju, u skladu sa članom 19. Uredbe.

S poštovanjem,

Pripremila: Aldina Šantić Zeba, stručni savjetnik

Kontrolisala: Amira Gackić, sekretarka Ministarstva



Dostaviti:  
1. Naslovu,  
2. A/a.



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/2